

Ленинэнь киява

ВЛКСМ-нь Мордовской обкомонть ды Саранскоень ошонь комитетэнь газетаст



Партиянь ды правительствань руководителенень эндо металлургической ды угольной промышленностень руководящей работниктнэнь ды стахановецтнэнь приемось Кремлясо 1937 иень октябрюнь 29 чистэ

Октябрюнь 29 чистэ чокшне Партиянь ды Правительствань руководителне Кремлясо примизь совещаниянь участниктнэнь, конат (совещаниятне) ютасть тяжелой промышленности Наркоматсо, металлургиянь ды угольной промышленности работниктнэнь.

Приемсонть ульнестъ ниле сядт ломанть—металлургической, коксо-химической, железо-рудной ды огнеупорной предприятиянь директор, инженер, цехень начальник, мастер ды рабочейт-стахановец, шахтерт-стахановец, угольной трестэнь управляющей, шахтань заведующейт ды тяжелой промышленности Наркоматонь руководящей работник.

Чокшне 7 часто 30 минутасто Грановитой палатань помещени-ясонть, козонь пурнавсть металлургиянь ды угольной, появастъ Сталин, Молотов, Каганович, Ворошилов, Калинин, Микоян, Ежов, Чубарь, Хрущев, Булганин, Межлаук, Шкирятов ялгатне, конат вастозь пси овациясо.

Тяжелой промышленностень народной комиссарось Л. М. Каганович ялгась беседанть ушодомсто корты:

„Ялгат! Минек совещаниятнень роботадост мейле металлургиянь ды угольщиктнэ имеют честь вастовомс дружеской обстановкас партиянь ды правительствань руководителтнэнь марто. Металлургической, угольной, коксо-химической, огнеупорной ды железо-рудной промышленности работниктнэнь оказан покш честь, конань, мон кеман, сын оправда-ют тевсэ.

Ялгат, Правительствань члент! Металлургиянь ды угольщиктнэ стараить ней лисемс временной затруднениятнэнь эйстэ. Минек совещаниясонть минь большевистскойкс, по-сталински таргине-лангс минек асатыктнэнь, тешк-стынек кить сынст маштомантень, штобу нурька шкас теэмс од ка-совкс. Тень залогозо сеньсэ, што стахановецтнэнь рядтнэ ламолга-дуть.

Провозгласим васень тостонть минек славной рабочейтнэнь, стахановецтнэнь ды металлургической промышленности руководи-тельтнэнь кис. Тынк шумбра-чинк кис, ялгат! Угулиясь—корты седе тов Каганович ялгась—те пища весе народной хозяйствань отраслятнэнь туртов. Сонстемэнзэ арась энергия, арась роботыця заводт, транспорт, угольной про-мышленностень тень коряс наро-донь хозяйствасонть зани решаю-щей тарка. Угольной промышлен-ностень работниктнэ пугать ней покш усилият, штобу ветямс угольной промышленностень од касовксос. Аволь умок Донбас-со ютасть шахтертнэнь-стахановец-тнэнь ды ударниктнэнь слетт, ко-натнесэ участникекс ульнестъ 14 пель марто тыщат замечательной

ломанть—трудонь геройт, конат топавтызь нормаст 200 ды 300 про-цента. Сын поклялись ды вешть евамс Сталин ялгантень, што Донбассонь шахтертнэ кепедьсызъ уголиянь добувамонть, кепедьсызъ Донбассонь угольной промышлен-ностень. Истямо жо обещания максыть Подмосковной, Кузнец-кой, Карагандинской ды лия бас-сейнань угольщиктнэ.

Провозгласим тостонть славной шахтертнэнь, стахановецтнэнь ки-сэ, угольной промышленностень передовой командиртнэнь кисэ, сынст шумбра-чист ды процветани-яст кисэ!

Каганович ялганть меельсе ва-лонзо вельтывить бурной аплодис-ментсэ. Весе залось куватьс при-ветствует металлургиянь ды уголь-ной славной Донбассонь ды Под-московной бассейнань представи-тельтнэнь.

Теде мейле Каганович ялгась провозглашает тост народтнэнь ине вожденть, вечкевикс ды род-ной Сталин ялганть кис.

„Ялгат! Весе народонть марто, стахановецтнэнь славной лемест марто теснасто связанной Сталин ялганть ине, родной ды вечкевикс лемезэ. Сталин ялганть шумбра-чинзэ кис!“ (Виев овация. Весе присутствующейтне, стядо, при-ветствуют народтнэнь вожденть Сталин ялганть куватьс не смол-кающей аплодисментсэ ды сеере-масо „Ура. Шумбра улезэ веч-кевикс Сталин“).

Каганович ялгась, сень невтезь, што весе тяжелой промышлен-ностень должен теэмс од касовкс, провозглашает тост рабочейтнэнь, стахановецтнэнь ды тяжелой про-мышленностень весе остатка от-раслятнэнь руководителтнэнь кис: нефтяниктнэнь, химиктнэнь, стро-ительтнэнь, электростанциянь ро-ботниктнэнь, медной рудниктнэнь ды цветной ды редкой металлонь заводтнэнь, сырнень приисктнэнь работниктнэнь, геологтнэнь, тор-фяниктнэнь, тяжелой промышлен-ностень Наркоматонь работни-ктнэнь кис. Каганович ялгась про-возглашает тост рабочейтнэнь ды руководителтнэнь кис, конат аволь умок явсть тяжелой про-мышленностень Наркоматонь эй-стэ—машиностроениянь ды обо-ронной промышленностень работ-никтнэнь кис. (Аплодисментт).

Каганович ялгась провозглаша-ет тост СССР-нь Народной Коми-ссартнэнь Советэнь председате-ленть—Вячеслав Михайлович Мо-лотовонь шумбра-чинзэ кис, стар-ейшей металлостанть СССР-нь ЦИК-нь председателенть—Михаил Иванович Калининэнь кис, Совет-ской Союзонь маршалонть оборо-нны наркомонть Климент Ефремо-вич Ворошиловонь кис, минек пи-щевой промышленностень органи-заторонть ды наркомонть Анастас Иванович Микоян ялганть кис, СССР-нь внутренней тевтнэнь

славной наркомонть Николай Ива-нович Ежов ялганть кис, ВКП(б)-нь ЦК-нь секретаренть А. А. Андреев ялганть кис; гостеприимной якс-тере Московонть кис, москвичт-нэнь ды московской большевикт-нэнь руководителст Н. С. Хру-щевонь кис, СССР-нь ды РСФСР-нь правительствань члентнэнь кис. (Овация ды „Ура“ сееремат).

Молотов ялгась нурькине валсон-зо провозглашает тост стаханове-цтнэнь металлургиянь ды уголь-щиктнэнь кис, Тяжелой Промыш-ленностень Народной Комисса-ронть Лазарь Моисеевич Кагано-вичень кис.

„Прядовсь совещаниясь промы-шленностень, кодамо ули минек масторсо, сех важной отраслятне-стэ вейкенть—черной металлур-гиянь работниктнэнь совещаниясь. Тыненк сави,—корты Молотов ял-гась,—эщо пек ламо роботамс, штобу теэмс упущенноенть“.

Сталин.—„Под'емдонть икеле ютамс кой-кодат стака трудност-нень“.

Молотов.—„Сталин ялгась кор-ты под'емдонть икеле трудност-нень изнямост эрвикс-чиденть. Минь кемдяно, што металлургия изнясызъ неть трудностнэнь ды занить сынест подбавоющей тарка. Истямо жо тарка занить угольной промышленностень ро-ботниктнэяк.

— Мереде пожелать тыненк,—корты Молотов ялгась,—теэмс черной металлургиясонть, уголь-ной промышленностень ды тя-желой промышленностень лия от-раслятнэс истят жо успехт, ко-дат тейсть железнодорожиктнэ Лазарь Моисеевич Кагановичень руководстванзо коряс“. (Овация, вальгейть „ура“).

Ворошилов ялгась эсь валсонзо евты седейшкавань якстереармей-ской благодарност металлургия-нэнь ды угольщиктнэнь, тяже-лой промышленности работни-ктнэнь сень кисэ, што сын максть возможность Якстере ар-миянтень истя вооружиться, стямс истямо виекс, конань эйстэ пелить врагтнэ. „Но монь благодарность-сэ,—корты Ворошилов ялгась,—ашти требованьяськак—минек ро-динань оборонанть лангс робо-тамс эщо седе вадрясто, максомс седе ламо угулия ды металл, ми-нек жо вооруженецтнэ должны максомс минек эщо седейк со-вершенной машинат“. (Овация. Вальгейть: „Ура Якстере армиян-тень ды сонзэ руководителенть Ворошилов ялгантень“).

ВАЛ МАКСОВИ СТАЛИН
ЯЛГАНТЕНЬ

(Весе присутствующейтне стить ды теить Сталин ялгантень бур-ной овация. Кайсетить вальгейть: „ура“, „шумбра улезэ минек веч-кевикс, родной СТАЛИН ялгась“).

„Ялгат,—ушоды эсь валонзо Сталин ялгась.—Монь тостось кар-ми улеме седе своеобразной ды необычной. Минек яла тостнэнь провозглашают руководителтнэнь, шефтнэнь шумбра-чист кис, вождь-тнэнь кис, наркомтнэнь кис. Те, нама, аволь берянь. Но покш ру-ководителтнеде башка улить эщо руководителть среднейт ды виш-кинетъ. Сынст, неть руководител-тнэнь, вишкетинетнэнь ды средней-тнэнь эйстэ, минек улить кементъ тыщат. Сын скромной ломанть, сын а эцить икелев, сын почти а неавить. Но улелель бу сокор-чикс а неемс сынст. Секс, што неть ломантнэнь эйстэ зависит производстванть судьбазо весе ми-нек народной хозяйствасонть. Значит, сынст эйстэ зависит ми-нек хозяйственной руководстванть судьбазояк.

Хозяйственной минек средней ды вишкине руководителтнэнь шумбра-чист кис! (Овация. Валь-гейть „ура“!).

Вообще руководителтнеде эря-ви меремс, што сын, к сожалению, аволь свал чаркодить, кодамо выш-кас сынст кепединзе историйсь советской строень условиятнесэ. Сын аволь свал чаркодить, што улемс минек условиятнесэ хозяй-ственной руководителекс,—те зна-чит—удостоиться ине честенть ды ине почетонть, удостоиться робо-чей классонть эндо, народонть эндо ине доверянтъ. Ташто шка-стонть, капитализмань шкастонть, хозяйственной руководителтне, эрва кодат тосо директортнэ, управляющейтне, цехень началь-никтнэ, мастертнэ лововсть азо-ртнэнь-капиталистнэнь цепной кис-какс. Народось сынст эзь вечке, кода врагтнэнь, секс, што ловсь, што сын руководят хозяйства-сонть азортнэнь интереснэсэ, ка-питалистнэнь прибылест кис. Ми-нек, советской, строенть пингстэ, мекев ланг, хозяйственной руко-водителтнэнь улить весе основа-нияст пользовамс народонть до-вериясонзо ды вечкемасонзо, секс, што сын управляют хозяйства-сонть аволь капиталистнэнь куди-ненть прибылензэ кис, но робо-чей классонь интереснэнь кис, весе народонть интереснэнь кис. Вана мекс минек условиятнесэ хо-зяйственникень званиясь ашти сэ-рей званиякс, улемс жо руководи-телекс советской условиятнесэ—значит народонть сельмензэ икеле удостоиться сэрей честенть ды до-вериянтъ. Хозяйственниктнэнь ко-ряс народонть довериязо покш тев, ялгат. Руководителтне сыть ды туить, народось жо кадови. Ансяк народось бессмертен. Весе остат-катне — преходящейт. Секскак эряви уметь дорожить народонть довериясонзо.

(Пезэ 2-це страницасо).

**Партиянь ды правительствань
руководительнень эндо метал-
лургической ды угольной про-
мышленностень руководящей
работниктнэнь ды стахановецт-
нэнь приемось Кремлясо 1937
иень октябрынь 29 чистэ**

(П Е З Э)

Минек хозяйственниктнэнь шумбра-чист кис, конат чаркодизь, ознакоми эсист сэрей ролест ды конат киненьгак не позволят правтомс ды алкалгавтомс советской хозяйственной руководителнень сэрей званиянзо! (Овация, вальгейть „ура“).

Ялгат! Минек ютксо улитъ народной хозяйствасонть од темень пионер, стахановской движения боек. Од темень неть пионертнэнь ды боектнэнь шумбра-чист кис! Стаханов, Дюканов, Изотов, Рябошапки ды лия ялгатнэнь шумбра-чист кис! (Вальгейть „ура“).

Меельсь пелев, металлургиясо доменной темень од ды сыре боектнэнь шумбра-чист кис, ды икелевгак, доменщикентъ Коробов ялганть шумбра-чинзэ кис, Коробовонь-тетянтъ кис, сонзэ черанть кис, доменщиктнэнь Коробовтнэнь весе семиянтъ кис, сень кис, штобу Коробовтнэнь семиясь аволь кадово роботань од методтнэнь эйстэ. (Виев аплодисментт, вальгейть „ура“).

Коробов - тетясь, обращаясь Сталин ялганть, корты: „Сталин ялгай. Мон уш атян, но мон путса весе эсь вием, штобу топавтомс тонь пожеланият ды улемс лия металлургтнэде икеле“.

Металлургтнэнь ды угольщиктнэнь марто партиянь ды правительствань руководителнень дружеской вастомаст мольсь пелеведе мейлес. Приемонь участниктнэнь туртов ульнесь теэзь моронь ды киштемань Краснознаменной красноармейской ансамблянь концерт СССР-нь Союзонь народной артистэнтъ-орденоносцэнтъ профессоръ Александровонь управленианзо коряс, концертэсь ютась покш успех марто. (ТАСС).

Консервной комбинатось аравты Союзонь Советс депутаткс кандидатокс

Сталин, Молотов, Калинин, Ворошилов, Микоян ялгатнень

Саранской консервной комбинатонь рабочейтнень, работницатнень, инженеритнень ды служащейтнень предвыборной промксонть резолюциясто

Минь, Саранскоень консервной комбинатонь рабочейтне, работницатне, инженеритнэ, техниктнэ ды служащейтне, Союзонь Советс депутаткс кандидатуратнень обсужденианть туртов пурнавозь, кучтано пси поздоровт, беспредельной преданностень ды вечкемань эсинек васень валонк трудитнэнь ине вождентень ды оянтень, кона макссь тенек веселой ды счастливой эрямо, социализман. Конституциянь творецэнтень—Ине Сталиннэнь ды выдвигаем Саранскоень избирательной округканть Союзонь Советс депутаткс кандидатокс народонь верной ломантнень, коммунистической минек партиянь руководителнень рабочей классонь темень кис, коммунистической общественнэнь строямонзо кис кеме боектнэнь.

Союзонь Советс Саранской избирательной округканть выдвигаем народтнэнь вождентъ Иосиф Виссарионович Сталиннэнь, Советской правительствань главанть, ине Сталиннэнь соратникентъ ды

ВЫДВИНЕМ СЕХ ПРЕДАННОЙТНЕНЬ

Ардатовань райисполкомонь рабочейтне ды служащейтне кодак ансяк марясть седе, што Московонь ды Ленинградонь трудитнэнь выдвинули Союзонь Советс депутатнэс кандидатокс народтнэнь ине вождентъ Сталин ялганть—секе чистэнтъ жо (октябрынь 26-це чистэ) тейсть митинг.

Митингсэнтъ кортыцятне Варакин, Галкин ды Андрейкин ялгантне тешкстасть сень, што Сталин ялганть руководстванзо коряс. Минек масторось тапи народонь врагтнэнь, троцкистско-зиновьевской нулгодкстнэнь, конатне снартнэсть нельгемс минек уцяскав эрямонть.

Райисполкомонь трудитнэнь макссь вал Союзонь Советс ды Национальностнэнь Советс депутатнэс кандидатокс выдвигать истят ломанть, конатне беззаветно преданнойть Советской властенъ ды коммунистической партиянтень.

П. Мамаев.

Маслозаводось аравты Союзонь Советс депутаткс кандидатокс Иван Алексеевич Кузнецовонь

Маслозаводонь рабочейтнень, работницатнень ды служащейтнень вейсэнъ промксонть резолюциясто

Минь, Саранскоень избирательной округонь маслозаводонь рабочейтне, работницатне, партийной ды аволь партийной большевиктнэ СССР-нь Верховной Советс кандидатурань аравтомань вопросонть талковазь, СССР-нь Верховной Советс депутаткс кандидатокс маслозаводонь рабочейтнэнь, работницатнэнь ды служащейтнэнь пельде аравтано Иван Алексеевич Кузнецов ялганть.

Вейсэнъ промксось энялды Кузнецов ялганть икеле, штобу максоволь согласия Союзонь Советс депутаткс кандидатокс баллотироваться Саранскоень избирательной округканть.

Шумбра улезэ минек коммунистической партиясь ды сонзэ ине вождэсь Сталин ялгась!



Котонинной фабрикань (Саранск) рабочеесь-стахановецэсь Ф. Б. Шапошников выдвигает Союзонь Советс кандидатокс Сталин ялганть кандидатуранзо.

Минек кандидатонок—Сталин, Ворошилов, Микоян ялгатне

Кшинь панемань Саранскоень заводонть рабочейтне ды служащейтне октябрынь 20-це чистэ ютавтсть вейсэнъ промкс, кона алтазель Союзонь Советс кандидатурань выдвижениянтень.

Промксонть васенцекс кортась рабочеесь Бабин ялгась, конань производственной стажозо 43 иеть. Сон евтнэзе кодамо берянь ульнесь инязоронь Россиясонть эрямось.

Бабин седе тов мерсь, што Союзонь Советс минь выдвинем сень кандидатуранзо, кона минек максь счастливой, паро эрямо—Сталин ялганть. (Цяпамот).

Батранов рабочеесь кортась седе, мезе макссь Советской властэсь рабочейтнэнь ды крестьянтнэнь ине Сталиннэнь руководстванзо коряс, мейле мерсь: мон эсь ендон выдвигая Союзонь Советс депутаткс кандидатокс Ине Сталиннэнь соратникензэ, Якстере Армиянь кшинь Наркомонть Ворошилов ялганть.

Лысин ялгась выдвинул Союзонь Советс кандидатокс Микоян ялганть кандидатуранзо.

Промксось энялсь Сталин, Ворошилов, Микоян ялгантнень икеле, штобу сын максовлиэ эсист согласияст баллотироваться Саранскоень избирательной округканть.

Комсомольской организациясь аноксты Октябрьской читненень

Березникень район. Шугурова велень средней школань комсомольской организациясь кармась анокстамо Октябрьской революциянь XX-це годовщиянтень. Аволь умок организовать драматической ды хоровой кружок, конатне анокстыть пьеса ды морот, частушкат. Организовазь струнной оркестра.

Школасонть зярыя аволь союзной од ломанть анокстыть эсь пряст комсомолс совамонтень. Комсоргось Исаев сынст марто ютавтци занятия.

Бекшаев.

Союзонь Советс депутаткс кандидатокс аравтыть ВКП(б)-нь Мордовской обкомонь секретарентъ ИВАН АЛЕКСЕЕВИЧ КУЗНЕЦОВОНЬ

Кочкуровань районь Крупская лемсэ колхозсонть октябрынь 31 чистэ ульнесь колхозонь вейсэнъ промкс, козонь пурнавкшность 525 ломанть. Те промксонть васенце вопросокс ульнесь Союзонь Советс депутаткс кандидатурань аравтомась. Васенце вал сайсь колхозникесь Федор Владимирович Барабанов (76 иесэ атя). Эсь валсонзо сон яволявтсь:

Ялгат! Минь тезэнь пурнавинеком политической пек покш вопросонь решамо—Союзонь Советс депутаткс кандидатонь аравтомо. Советской властэсь минек макссь пингедэ-пингень пользования мода. Те моданть эряви седе парсте сомкамс, штобу получамс седе ламо суро. Икеле жо модась ульнесь помещиктнэнь, кулактнэнь ды поптнэнь кедьсэ. Сынъ нарьгастъ лангсонок, пансть минек эйсэ моданть лангсто.

Помещикесь Гласков маштызе 14 иесэ церам сень кисэ, што сон вансь скотинат паринанзо лангсо. Мон арсинь помещикентъ лангс максомс судс, но урядникесь темень мерсь, што помещикентъ иляк максо судс секс, што мезеяк а лиси, тон беднот, лишметь ансяк вейке, сонзэ жо лишмензэ 13. Попось мерсь темень, што монъ черанть оймезэ понгсь „райс“ ды бути помещикентъ максса судс, то кулозь черанть оймезэ ули саезь „адс“. Икеле волостной старшинакс кочкилинек сень, кие седе ламо саиль винанть ды сень кис пугылик шаронть. Секс кочкамотне ютыльть покш попойка марто, беднотанть арасель овси возможность участвовамс кочкамотнэсэ. Истя ульнесь икеле. Аволь истя ашти теветсь ней. Союзонь Советс депутаткс кандидатокс монъ койсэ эряви аравтомс сехте вадра кандидат. Мон выдвигая кандидатокс ВКП(б)-нь Мордовской обкомонь секретарентъ Иван Алексеевич Кузнецов ялганть, кона пощадавото вети бороцэмо народонь врагтнэнь каршо.

Колхозникесь Кручинкин Евстегней эсинзэ выступлениясонзо истя жо поддерживает Союзонь Советс депутаткс кандидатокс аравтомадо предложениянтъ.

Колхозникесь Салдаткин А. К. истя жо поддерживает Кузнецов ялганть кандидатуранзо.

Промксось примась резолюция, косо единогласна выдвигают Кузнецов ялганть кандидатуранзо Союзонь Советс депутаткс кандидатокс.

Промксонть прядомадо мейле ульнесь моразь „Интернационал“.

Толковизь „кочкамотнеде Положениянтъ“

Чамзинкань район. Мокшолей велень „Красная Мордовия“ колхозниктнэнь ютксо октябрынь 18—19-це читнэстэ ульнесь толковазь Верховной Советс кочкамотнеде Положениясь. Колхозниктне покш мельсэ кунсолыть те исторической документанть.

Ваня Стяпкин.

Васов молиця пассажирской поездтнэсэ избирательной участкатнень теемадо СССР-нь Центральной Исполнительной Комитетэнь постановлениязо

СССР-нь Центральной Исполнительной Комитетэнь постановляет:

Васов молиця пассажирской поездтнэсэ, конат СССР-нь Верховной Совете кочкамотнень чистэнь, 1937 иень декабрь 12 чистэнь, кармить улеме ки лангсо, теевить избирательной участкат кочкицятнень пельде бюллетентнень примамонть туртов, конатнень (кочкицятнень) улить «голосованиянь права лангс удостоверения».

Васов молиця пассажирской поездтнэнь участковой избирательной комитетэне кемекставить, «СССР-нь

Верховной Совете кочкамотнеде Положениянь» 49 статьянь коряс, сеть советнэсэ, конатнень районсо теевить участковой избирательной комитетэнь васов молиця поездтнэсэ кочкамотнень ютавтоманть туртов.

СССР-нь Центральной Исполнительной комитетэнь председателесь М. КАЛИНИН.

СССР-нь Центральной Исполнительной Комитетэнь секретаренть кис СССР-нь

ЦИК-нь президиумонь членэсь А. АНДРЕЕВ.

Москов, Кремля,
1937 ие ноябрь 1 чи.

Больницятнэсэ, шачтамо кудотнэсэ, санаториятнэсэ, инвалидтнэнь кудотнэсэ ды лечебной лия учреждениятнэсэ избирательной участкатнень организовамо СССР-нь Центральной Исполнительной Комитетэнь постановлениязо

СССР-нь Центральной Исполнительной Комитетэнь постановляет:

1. Зяря корпус марто больницятнэсэ разрешается организовамо избирательной участкат башка корпустнэсэ, бути эрванть эйсэ улить 50 кочкицятнеде аволь седе аламо.

Больницятнень ды лечебной лия учреждениятнень кувалт, косо а кармить улеме организовамо башка избирательной участкат, участковой избирательной комитетэнеень максови права явомс комитетэнь члент тоско больницятнэсэ ды лечебной учреждениятнэсэ кочкицятнень пельде бюллетентнень примамонть туртов, мезень кис эряви снабдить неть больницятнень избирательной башка ящиксэ.

2. Больницятнэсэ, шачтамо кудотнэсэ, санаториятнэсэ ды лечебной лия учреждениятнэсэ теевиця избирательной участкатнень изби-

рательтнень спискатнэс должны, сермадовомс, кода сэредиця гражданиэ, конатнень ули кочкамонь праваст ды кочкамотнень чистэнь аштить кудосо ды лечебной учреждениясо, истя жо медицинской персоналонть, кона ашти кочкамотнень чистэнь дежурствасо.

3. Кочкамотнэсэ арасть праваст примамс участия сэредицятнень, конат аштить скарлатинозной ды дифтерийной отделениятнэсэ, истя жо лепрозориятнэсэ.

СССР-нь Центральной Исполнительной Комитетэнь председателесь М. КАЛИНИН.

СССР-нь Центральной Исполнительной Комитетэнь секретаренть кис СССР-нь

ЦИК-нь президиумонь членэсь А. АНДРЕЕВ.

Москов, Кремля,
1937 ие ноябрь 1 чи.

Те иень ноябрь 12 чистэ саезь декабрь 13 чинть самс шкастонть участковой избирательной комиссиянь председателенть эли секретаренть основной роботастанзо олякстомтомадонть

СССР-нь Центральной Исполнительной Комитетэнь президиумось тейс постановлениязо, конань коряс участковой избирательной комиссиянь председателесь эли секретаресь ноябрь 12

чистэ саезь декабрь 13 чинть самс олякстомтовить эсисет основной роботастант, теке шкастонть ванстови сонзэ оплатась основной роботастанть таркасонть. ТАСС.

Фабрично-заводской промышленностень ды транспортонь низкооплачиваемой рабочейтнэнень ды служащейтнэнень заработной платанть кастамодо

СССР-нь Союзонь Народной Комиссартнэнь Советэнь постановлениязо

СССР-нь Союзонь Народной Комиссартнэнь Советэсь постановляет:

1. 1937 иень ноябрь 1-це чистэнь саезь покшолгавтомс заработной платанть СССР-нь Союзонь весе Наркоматнэнь ды ведомстватнэнь фабрично-заводской предприятиятнень низкооплачиваемой рабочейтнэнень ды служащейтнэнень, истя жо железнодорожной ды водной транспортонь рабочейтнэнень ды служащейтнэнень.

2. Низкооплачиваемой рабочейтнэнень ды служащейтнэнень заработной платанть покшолгавтомс теемс истя положениятнень коряс.

а) временной оплатасо роботыцятнэнень теемс надбавка заработной платанть ставкентень истя размертнэсэ, штобу тарифной ставкасэ вейсэ надбавканть марто ковозонзо улелель 115 целковойде аволь аламо, премиятнень ды лия приработкатнень атак лаво;

б) рабочейтнэнень ды служащейтнэнень, конат роботыть сдельно, теемс надбавка сынт расчетной ставкентень истя размертнэсэ, штобу расчетной ставкасэ вейсэ надбавканть марто улелель ковозонзо 110 целковойде аволь аламо, премиятнень ды лия приработкатнень атак лаво.

3. Тень коряс 1938 иень плансонть предусмотреть заработной

платанть фондонт покшолгавтома 600 миллионть целковойс, 1937 иень ноябрь ды декабрь ковтенень жо—100 миллионть целковойс.

4. Кода временной оплатань получицятнэнень, истя жо сдельно роботыцятнэнень заработной платань ставкентень надбавкасэ ашти неизменной величинакс, кона поладови ковоень заработкатнень. Те надбавкасэ не включаетсэ премиятнень, сдельной расценкатнень, сверхурочнойтнень пандомаанть туртов, башка таркатнэсэ кувать роботамонь кис надбавкань исчислениянь туртов ды лия мейс кис расчетной ставкентнэс.

5. Аравтомс, што зяряк шкас аволь трудоспособностень коряс пособиятнень пандыть социальной страхованиянь органиэ заработкань весе сумманть лавозь, те постановлениясонть аравтозь надбавкатнень лавозьгак.

СССР-нь Союзонь Народной Комиссартнэнь Советэнь председателесь В. МОЛОТОВ.

СССР-нь Союзонь СНК-нь тевтнэсэ управляющесэ Н. ПЕТРУНИЧЕВ.

Москов, Кремля,
1937 ие ноябрь 1-це чи.

В. Горбунов, А. Рогожин

ЭРЗЯНЬ ЛИТЕРАТУРАСЭ ОКТЯБРЯНЬ КОМСЕЦЕ ГОДОВЩИНАНТЕНЬ

Октябрьской социалистической революциядонть икеле мокшэрзятнэ истя жо, кода лия народтнэяк, лепшязельть инязоронь правительстванть колонизаторской политикасонзо. Инязоронь правительствасэ эрва кода лепшитель олячинь кис сынт бороцямонть, паро эрямос бажамонть. Культурной развитиянь китне мокшэрзятнэнь ды лия народностнэнень пекстазельть. Инязоронь самодержавиясь пингедэ-пингес сынт кирдсь чоподасо, лепштысь эйсэст религиозной дурмансо.

Октябрьской революциядонть икеле мокшэрзятнэнь арасель эсисет печатной валост. Нолдазельть ансяк религиозной книгат. Но те а корты седе, што мокшэрзятнэнь арасель эсисет художественной валост. Сын пингедэ-пингес эсисет мелдест-превдест ды олячинь кие туремадост кортасть фольклорной домка художественной произведениятнэсэ.

Вана мейсэ кортыть икелень стака эрямонть трудиятнэ эсисет моросост:

Мейсэ пек аварди мирэсь-масторось?

Мейсэ пек мелявты мирэсь-народось?

Мирэсь аварди киска боярдо, Маторс мелявты пине азордо.

(„Мейсэ аварди мирэсь-масторось“).

Мокшэрзянь фольклорсонть улить ламо морот, евкст, преданият ды лият, косо парсте невтезь мокшэрзятнэнь икелень стака эрямост ды эксплуататортнэнь каршо сынт туремаст.

Ансяк Октябрьской социалистической Ине революциядонть мейсэ мокшэрзятнэ, икеле весе лепштысь народтнэнь марто дружной семьясо, Ленинэнь—Сталинэнь партиянь ветямонзо коряс, получасть права строяме формань коряс национальной, содержаниянь коряс социалистичес-

кой культура. Октябрьской революциясь мокшэрзятнэнень, истя жо, кода лия народтнэненьгак, макссь эсь литература, кона яла седеяк касы ды кемексты.

Эрзянь кельсэ васень газета кармась лисеме Ульяновск ошсо 1920 иестэ. 1921 иестэ Московсо кармась лисеме «Якстере теште» ды секе жо иестэнь Саратовсо «Якстере сокиця» газетатнэ.

Неть газетатнэ родной кельсэ толковасть партиянь ды правительстванть политикаст. Неть газетатнэнь перька кармась пурнавомо творческой од вийтне. Тосо кармась появакшномо родной кельсэ сермадозь художественной произведеният.

Од поэтна ды писательтнэ эсь произведениясоет невтезь мордовской народонть радостензэ, од эрямонзо, эксплуататортнэнень трудиятнэнь ненавистенть, советской властэнь кемекстамонзо кис трудиятнэнь бороцямонть.

Сермадомо ушодыцятнэнь творчествасоет ульнест аволь аламо асатыкстак—схематизма ды лият.

Кой-кона поэтнаень творчествасоет ульнест идеологической срывткак, сын эрзянь литературанть кандеть эксплуататорской класстнэнь мелест-превдест. Истя писательтнэ ульнест кулацкой трубадуросе. Те эндо характернойкс ашти Григошинэнь творчествазо. Сон эсинзэ стихсэнзэ мокшэрзятнэнь сидикелень стака эрямонть толковасэ воль социально-экономической причинатнэсэ, но сынт (мокшэрзятнэнь) чопода-чисэнь. Классовой бороцямонь востротнэнь Григошин ютынзе вакска. Сон «кульдердэ - кальдердэ», авардэ икелень эрямонть кис. Мейсэ творчествасонзояк сон эзь тееве мокшэрзянь трудия народонть поэтакс, куш лангс вавозь бую бажась прынзо невтемс неень шкань поэтакс, яла теке содерханиянь коряс кадовсь икелень позициятнэс.

Народонь врагтне — Нулзин Вожаев ды лиятне Григошинэнь товсь эрзянь сех паро поэтакс. Народонь врагтне, конат эцекшнест

(Пезэ 4-це страницасо)

ГНУСНОЙ ТЕВТЬ

Ичалкань районсо Балдасевань аволь полной средней школань директорось Дашкин А. Ф. ды завучесь Пудовкин Ф. Н. умок уш школасонть тейнить гнусной тевть. Преступникесь Дашкин ды райОНО-нь икелень инспекторось, пьяницась, разложившийся элементесь Пудовкин путсь ды путыть весе виесть сенень, штобу сеземс рузонь келень тонавтоманть. 6—7-це ды 4-це класстнэсэ жо сон малав сезезь.

РайОНО-сь те предметентень преподавателекс кучнизе комсомолканть Мальковань З. Д., конась прядсь педучилища, тонавтсь аволь беряньстэ. Но неть ломантне сонзэ роботамо эзизь кадо, эрва кода нарьгасть, раксесть лангсонзо, сонзэ уроктнэнь лангсо. Секс Малькованень недлядо мейле савсь тусемс роботамо лия школав, Сыресева велес. Ковдо мейле райОНО-сь кучсь лия тонавтыця, но сонзэ лангска кармасть тейнеме нападения.

Ды улить уш гнусной те роботанть результатонзо. Контрольной роботатнень коряс неяви, што тонавтниятне кадновить неграмотнойкс. Истя, 7 классо 23 тонавтниятнень эйстэ контрольной роботанть „посредственно“ отметканть лангс сермадызь ансяк вейке тонавтниця, 4-це „Б“ классонть жо 35 ломаньстэ арась посредственно вейкеяк отметка. Весе берянтэ. Истяжо ашти те-весь математикань предметанть коряс, косо тонавты сонсь Пудовкинэсь.

Директорось тонавты история ды Конституциянь. Эйкаштнэ истя жо лавшосто содасызь неть предметнэнь. Дашкин тонавтомо сакшны иредьстэ.

Дашкинэнь (директоронть) сехте покш гнусной тевкс ашти се, што сон нарьги тонавтниця тейтертнень лангсо. Истя, сон эстензэ прислугакс сайнизе 6-це классо тонавтниця 13 иесэ тейтерьканть Г-нь, конанть сон изнасилвал ды панизе школасто. ВКП(б)-нь Ичалкань райкомонь секретаресь теде содась. Эрявсь учомс, што райкомось теи решительной мерат, но тосо преступ-

никенть овси эзизь чумондо, тейтеренть жо мекев аравтызь тонавтниеме.

Школьной лишменть Дашкин кирди ансяк эсинзэ личной тевензэ кис. Октябryanь 24-це чистэ ормалгадсь учительницаанть Названовань П. О. эйкакшозо. Сон арсесь лишмесэ ускомс эйкакшонть больницяв, но Дашкинэсь лишменть эзизе максо.

Тонавтниятнень лангсо аволь аламо нарьги Пудовкингак. Сы сон школав иредьстэ ды ушоды эрва кода обзывать тонавтниятнень. 7-це классо тонавтниятнень Живодеровонь пачтизе мик сенень, што сон лоткась тонавтниемадо. 6-це классо тонавтниятнень Парфенов Ванянь ускизе пиледе, обозвал сонзэ сехте мерзской валсо, мерсь тензэ „фашист“ ды панизе школасто. Тонавтниятнэсэ якась пеняцямо Райисполкомов. Тосто сакшность те нулгодыкс фактоанть проверямо. Фактнэ кемекстэсэ, но нулгодыксэсэ Пудовкин мекс бути кадовсь апак чумондо. Течень чис апак чумондо Дашкин преступникеськак. Течень чис сын яла тейнить эсист гнусной, нулгодыкс, преступной тевест.

3 комсомолецт

УДОК, ТЯКАМ

Удок त्याкам, удок эйднем,
Моро тенть моран.
Косо ней тонь родной тетят—
Мон тонеть евтан.

Тонь тетянтэ, эйднем, васолов
Мартот илтиник.
Уцскав мастор ванстома
Сонзэ кучинек.

Ней уш ие тетят ашти
Граница лангсо.
Родинанть эйсэ вансты сон
Эсь сельме ладсо.

ЧАСТУШКАТ

Ну, кода тенек а морамс?
Веселгалек, ялгай, пейдть!
Сонсь уцскав эрямонок
Макссь тенек мазый вайгельть.

Минь роботатанок моразь
Ды моразь оймситяно.
Пачтимизь паро эрямос
Ине Сталин тетянок.

Тон, вечкемам, мельс-паросат,
Эрямонть кенярдат.
Ломантне минек масторсо
Невтити ине чудесат!

Эрва чистэ келейгадыть
Минек геройтнень рядтнэ.
Эрва чистэ ламолгадыть
Паксянь стахановецтнэ.

Панжтнить минек героенек
Яла одт, кувака кить.
Колхозонь велень паксятне
Урожай вадря максать.

Ну, келемтик эно, ялгай,
Мазый вайгель гармошканть.
Вант перть пельга эрямонть
лангс,
Уцсканок зярошка!

Минек садось тунда цветы,
Кизна умарть сон касты.
Минек трудицятнень кисэ
Ине Сталин заботи.

Дубенка.

И. Ярославкин

Паро нать Жаровнень кунсолумс...

Дубенкань район Кенде велень аволь полной средней школасонть тонавтниятне ютксо кодамояк воспитательной робота арась, секс кой-кона тонавтниятне эсь прят ветить пек беряньстэ. Примеркс, Мучкаев пионерэс пачк тюркшнни, тарги cigarкасо, позори похабной виськс валсо, ледни спицкасо.

Неть безобразияне тонавтниятне ютксо эрять секс, што школань директорось Жарков кодамояк мель а путы неть сигналтнэнь лангс.

М. Никитин,

Витевкс

Октябрьской Социалистической Ине революциянь XX-це годовщина-нтень ВКП(б)-нь ЦК-нь лозунгтнесэ, конат печатазь «Ленинэнь кия-васо» ноябryanь 1-це чистэ лиссть неточность.

12-це лозунгсонть «фашистской веревь терроронь жертватнень» валтнэнь таркас эряви ловномс: «фашистской кровавой терроронь жертватнень».

15-це лозунгсонть «СССР-нтэ весе мастортнэнь трудицятнень ды лепштызтнэнь отечестванть ванстоманзо кис!» валтнэнь таркас эряви ловномс: «СССР-нтэ—весе мастортнэнь трудицятнень ды угнетеннойтнэнь отечестванть ванстоманзо кис!».

23-це лозунгсонть теезь грамматической ильведькс, «большеви-стской» валонть таркас эряви ловномс «большеви-стской».

«Ленинэнь киява» газетасонть, октябryanь 29-це чинь (124 № сэнть), колмоце полосасонть, васень кавто колонкатнесэ, а видестэ печатазь Кузнецов ялганть лемезэ.

Тосо печатазь «Д. С.», эряви жо ловномс «Л. С.».

Редакциясь.

ЭРЗЯНЬ ЛИТЕРАТУРАСЬ ОКТЯБРЯНЬ КОМСЕЦЕ ГОДОВЩИНАНТЕНЬ

(П Е З Э)

писателень союзе, издательствас, газетатнес ды лияс, эсист нулгодыкс тевсэст эрва кода бажасть тормозтамс мордовской литературанть касоманзо, сын а максыльт ки од писательтнень, конат эсь творчествасост морасть минек уцскав эрямондоть.

Народонь врагтне Атянин, Нуязин, Чесноков, Ардеев ды лиятне эрва кода шныльт берянь, идеологически невыдержанной произведениянтень ды сядсть эли овси эсть лецтне сеть произведениянтень, конат видестэ невтеть минек эрямонть. Сын светс эсть подла народной творчествань произведениянтень, конатнень эйсэ мордовской народос невтеть культурной паро эрямонть, евтнесть пасиба народонь вождтнень-оатнень, конат минек максызь сюнав ды весела эрямонть. Истя ульнес Е. П.

Кривошеевань произведениянтень мартояк.

Народонь врагтнень, фашистской шпионтнэнь нулгодыкс тевест лангс апак вано, ленинско-сталинской национальной политикаанть видестэ ютавтозь кассь ды кемекстась мокшэрзянь народонть культурась ды экономикась. Тень марто вейсэ кассь литератураськак.

Октябрьской революциянь XX-це годовщинантень мордовской литературась сась покш изнявкс марто. Нолдазь рузонь классической ды неень шкань литературань переводт—Горькоень, Толстоень, Пушкинэнь, Гоголень, Щедрина, А. Н. Островскоень, Шолоховонь, Н. Островскоень ды лиянь.

Ламо ды серьезной произведенийт сермадсь мордовской писательтне, сын невтити мордовской народонть седикелень стака, сәпей

эрямонть ды неень шкань сюнав, счастливой эрямонть.

Куторкин сермадсь терюшевской восстаниядонть покш поэма «Ламзурь». Рогожинэнь лиссь «Гале» поэмазо ды макссь производствав од поэма «Литува». Кирилловонь лиссь «Валске Сура лангсо» поэмазо, ней сон роботы кино-сценарий лангсо. Максозь производствав Мартыновонь, Батаевонь, Прохоровонь стихень сборникест. Пятаев сермадсь покш поэма «Эряшке леенть чиресэ».

Минек писательтне, поэнтэ сермадыть масторонть лангсо сех демократической Сталинской Конституциядонть, ине Сталиндэ, паро эрямондоть. Сермадыть фашистнэнь каршо испанской народонть героической бороцямондо, японской захватчиктнень каршо китайской народонть бороцямондо. Минек поэнтэ литературанть сюналгавтыть кода тематика, истя жо жанра ендояк. Мордовской литературасонть меельсэ шкастонть появась баснянь жанраяк, конань лангсо васняк кармасть роботамо од поэнтэ—эр-

зякс Пятаев, мокшокс—Чумаков. Ламо касыть од писательт ды поэтт—Коломасов, Малкин, Аношкин, Ярославкин ды лият.

Минек ули мордовской государственной театранок, а беряньстэ касыть артистэнек. Но те шкас эщо арась мокшэрзянь кельсэ паро пьесанок.

Меельсэ шкастонть аволь аламо теезь мордовской фольклоронть пурнамонзо тевсэнтэ. Неень шкань фольклорсонть минек народос моры счастливой ды сюнав эрямондоть, евты пасиба Сталин ялганть.

Ине Сталин чиденть валдо,
Чидентькак лембе,
Секс пек ламо сырнень валдо
Минек перть пельга.
(„Сталиндэ моро“).

Мокшэрзянь поэнтнэнь эряви тонавтниеме сермадомо истя, кода машты морамо оля-чисэ эриця мордовской народос.

Ответ. редакторось
И. ТЮРЬКИН.